



Claudii Fleurii Abbatis Historia Ecclesiastica

Ab anno Christi 1551. usque ad annum 1553

Fleury, Claude

August. Vind. [u.a.], 1771

VD18 90118561

§. 106. Joannis Baptistæ Egnatii extrema.

[urn:nbn:de:hbz:466:1-66577](https://nbn-resolving.de/urn:nbn:de:hbz:466:1-66577)

Sæcul. XVI. ses Curiæ, quæ ad inquirendos rebelles Schmalkaldico bello implicitos constituebatur. Scripsit etiam *Historiam Bohemicam* triginta tribus libris comprehensam. (*)

§. CVI.

Joannis Baptista Egnatii extrema.

*Thuan. l. c.
Vossius de
hist. Latin.
Gesner &
Possevin
Bibl.*

Hoc item anno Joannes Baptista Egnatius die quarta Julii anno ætatis suæ octogesimo naturæ debitum solvit. Hic Venetiis natus ibidem Angeli Politiani Magisterio usus humaniores literas discebat, easque indecesso studio postea longo tempore tradebat, nec non instituendæ juventuti adeo aptum fese reddebat, ut ætate declivis, cum inter emeritos recenseri peteret, hanc gratiam obtainere non posset, eoquod id in grave studiosorum damnum cedere, Senatus existimaret: tandem cum decrepitæ ætatis esset, optatam publici sui munera abdicationem impetrabat, atque a Venetorum Republica in præ-

() Cum Continuator hujus Viri obitum referre oblitus fuerit, hæc adjungenda videntur: *Obiit apoplexia tactus anno Salutis millesimo quingentesimo quinquagesimo tertio, die decima octava Septembri: Hæredem script ex Sorore Nepotem Wenceslauum Dubratvskium.*

stiti obsequii compensationem eam gra- Sæcul. XVI.
tiam est consecutus , ut deinceps , licet A. C. 1553.
suo officio defunctus esset, eodem ta-
men stipendio, quod antea docendo me-
ruerat, quotannis donaretur, ejusque
bona ex decemviralis Consilii decreto
a publico censu eximerentur. Tandem
multo senio gravis, sacroque Presby-
teratus ordine iniciatus latine succincto
sat calamo a Julio Cæsare usque ad Con-
stantinum Palæologum, necnon a Carolo
Magno usque ad Maximilianum hujus
nominiis primum vitas Imperatorum con-
scripsit , quod opus postea primo a Go-
defrido Tory Bituricensi, & postea a
Maroleonsi Abbat^e Gallice redditum fuit,
ac prima versio Parisiis Anno Domini
millesimo sexcentesimo vigesimo nono,
altera vero Anno Salutis millesimo sex-
centesimo sexagesimo quarto typis im-
pressa prodiit. Elucubrabat pariter Egnatius
tractatum de origine Turcarum,
necnon novem libros exemplorum de
viris illustribus Reipublicæ Venetæ. At-
tamen postremum hoc opus non nisi post
Auctoris obitum typis evulgatum fuit,
quinimo ipsem Auctor, ultima manu
eidem necdum admota, jam morte præ-
veniebatur. Ceterum oris facundia ma-
gis præstabat, quam calami elegantia,
unde raræ ingenii sui dotes longe clari-
lius in suis prælectionibus, quam libris

Yy 3

emi-

Sæc. XVI.
A.C. 1553.

emicuerunt. Porro morti proximus sua bona, ac copiosam librorum supellectilem tribus amplissimis Veneti sanguinis Familia Molinanæ, Lauredanæ, & Bragadenæ testamento reliquit, ea que in hæreditate magno numero veteris ævi nummi tam aurei, quam argentei numerabantur.

§. CVII.
Septendecim Propositiones a Parisina Facultate Theologica damnatae.

*Argentre
Collect. Jud.
append. t. I.
p. 19.*

Exstant pariter quædam censuræ, quibus Facultas Theologica Parisiis nonnullas propositiones novis erroribus faventes intra hujus anni spatium perstrinxerat, & quidem prima ex his censuris pronuntiabatur die prima Julii contra librum, cui titulus: *Congregatio die Sabbati decima octava Decembbris Anno millesimo quingentesimo quinquagesimo primo habita.* In hoc libro de electione Dei agebatur, atque ex eo septendecim depromebantur propositiones, quarum quævis prius facta totius omnino libri proscriptione, sigillatim sua censura notabatur, eoquod hic plures propositiones erroneous, schismaticas, hæreticas, Blasphemias, & injuriosas contineret, ac ipse Auctor Sacras literas in reprobum sensum non sine offensione piarum aurium detorqueret.

§. CVIII.